

**NOVA STRATEGIJA** SAD režu budžet za odbranu i okreću se drugoj strani svijeta

# Obama povlači vojsku iz Evrope!

Revizija sigurnosnih interesa ukazat će na američko prisustvo u Aziji, zbog slabijeg rasta budžeta Pentagona

Administracija američkog predsjednika Baraka Obame (Barack) objavljuje „realističniju“ viziju vojske SAD, uz planirano smanjenje kopnenih snaga za nekoliko desetina hiljada vojnika i veća ulaganja u zrakoplovne i pomorske snage u vrijeme provođenja mjera štednje.

## Kopnene trupe

Strateška revizija američkih sigurnosnih interesa ukazat će na američko prisustvo u Aziji, a manje pažnje bit će posvećeno Evropi, Africi i Latinskoj Americi, zbog slabijeg rasta budžeta Pentagona.

Detalji o konkretnim rezovima i smanjenju broja vojnika neće biti objavljeni, ali su izvori rekli Reutersu

da se oni odnose na deset do 15 posto ukupnog broja vojnika i marinaca u narednih deset godina. Administracija za deceniju planira u segmentu odbrane uštedjeti 450 milijardi dolara.

Najveća promjena jeste usvajanje stava da Amerika, iako ima najveći vojni budžet na svijetu, ne može sebi priuštiti da istovremeno vodi više od jednog rata u kojem angažira kopnene trupe. To je udaljavanje od strategije koja je decenijama dominirala prilikom donošenja odluka o korištenju fondova Pentagona.

Novi plan omogućit će američkim snagama da vode jednu vojnu kampanju, dok blokiraju neki drugi konflikt. To, također, znači da će Bjela kuća ubuduće morati da osiguru

veću podršku javnosti za izvođenje vojnih operacija i da se više oslanja na rezervni sastav i Nacionalnu gardu, kada to bude bilo potrebno.

- Libija je pokazala da ne morate imati čizmu na terenu sve vrijeme. Mi prilagođavamo svoju strategiju u realističnijem obliku - rekao je jedan zvaničnik.

## Iran i Kina

U izbornoj godini Obama želi demonstrirati pažljiviji pristup trošenju na odbranu. Prema planu, kako AFP prenosi od visokog dužnosnika, američka vojska morat će ostati spremna da odgovori na bilo kakve pokušaje Irana da ugrozi rute prijevoza nafte u Zaljevu. Ta-

kođer, morat će biti spremna odgovoriti na pokušaj Kine da dominira međunarodnim vodama u Južnokineskom moru.

- Operacije poput onih u Iraku i Afganistanu imat će manji prioritet. Izgleda da je Obamin plan da se fokusira na Iran i Kinu. Zbog toga će u fokusu strategije biti kombinacija razmještanja snaga i prodaje oružja u regionu Perzijskog zaljeva i zapadnom Pacifiku - komentira analitičar Loren Thompson (Thompson) iz Instituta „Lexington“.

Stiven Bidle (Stephen Biddle), viši savjetnik u Vijeću za inozemne odnose, navodi da će nauštrb Bliskog istoka SAD dati veći značaj azijsko-pacifičkom regionu. **I. ČATIĆ.**



Novac uručen Zavodu za slijepe i slabovidne

## Derventa Donacija od 10.000 KM

► Povodom pravoslavnog Božića Raiffeisen banka je predstavnicima Zavoda za slijepe i slabovidne „Budućnost“ iz Dervente uručila donaciju u iznosu od 10.000 KM, saopćeno je iz ove banke.

Ova donacija Raiffeisen banke dio je tradicionalnog projekta darivanja ustanova čiji su štićenici djeca i najosjetljivije kategorije stanovništva povodom vjerskih i novogodišnjih praznika u BiH.

## RS

## Za treće dijete 80 KM

► Ministarstvo porodice, omladine i sporta RS odobrilo je, povodom Božića, isplatu 99.870 KM za treće dijete u porodici u prošloj godini, javlja Srna. Prema podacima Ministarstva, svako trećerodeno dijete dobit će 80 KM.

Porodice će sredstva dobiti u drugoj polovini januara.

## Zvornik

## Eksplodirala plinska boca u automobilu

► Tri osobe povrijeđene su kada je „reno 5“, u koji je ugrađena plinska boca, eksplodirao na graničnom prijelazu Karakaj između BiH i Srbije, javlja Srna.

Povrijeđene su tri osobe iz Srbije koje su se nalazile u automobilu - dvije žene i muškarac, i oni su prevezeni u Hitnu pomoć Doma zdravlja Zvornik.

## Jajce

## Dodjela 12 ključeva

► U Jajcu će danas biti upriličena svečana dodjela ključeva obnovljenih stambenih jedinica korisnicima pomoći projekta „ZP 10“ Ministarstva za ljudska prava i izbjeglice BiH.

Vrijednost ovog projekta iznosi 300.000 KM, a obnovljeno je 12 stambenih jedinica povratnika po sistemu „ključ u ruke“.



## Ostat ćemo dominantna sila

Obama na konferenciji za novinare u Pentagonu izjavio je, objavljujući novu odbrambenu strategiju za smanjenje obima oružanih snaga u vrijeme smanjenja budžeta za odbranu, da će SAD i dalje

ostati dominantna svjetska sila.

- Naša vojska bit će manja, ali svijet mora znati da SAD namjeravaju održati našu vojnu nadmoć s oružanim snagama koje su agilne - rekao je sinoć Obama.

Analitičar Kurt Basiner o povlačenju vojske SAD

## Pitanje od najveće važnosti za BiH

Američki analitičar Kurt Basiner (Kurt Bassuener) upozorava, u izjavi za „Dnevni avaz“, da povlačenje američkih vojnika iz Evrope može imati velikog utjecaja na stabilnost Balkana.

- Prema onome što sam vidio iz tekstova koji su uslijedili nakon govora predsjednika SAD Baraka Obame (Barack) u Pentagonu, nameće se zaključak da će američke snage u Evropi biti

smanjene za jednu borbenu jedinicu, odnosno do 4.000 vojnika. Ako je ovo istina, pitanje je koja će jedinica biti povučena ili repositionirana

- kazao nam je Basiner.

Kako je naveo, kada je riječ o pozicioniranim snagama, za BiH i cijeli Balkan najvažnija je 173. zračna brigada

## Zaštićeni interesi

Denis Hadžović, generalni sekretar Centra za sigurnosne studije, kaže da je jedan razlog povlačenja trupa SAD smanjenje budžeta, a drugi što

sada postoje drugi sigurnosni izazovi. Kaže da za BiH i region to znači da je stanje sigurno i da su zaštićeni interesi SAD i zapadne Evrope.

da, bazirana u Vičenci u Italiji. Ona je bila angažirana u Iraku i Afganistanu.

- Oni su jedinica koja se može brzo rasporediti i vjerujem da bi bili angažirani ako bi se ovdje bilo šta desilo. Ako će oni biti poslani negdje drugo, to nije dobra vijest, ali je prerano da se kaže. Također, važno je pitanje zračne baze Avijano u sjevernoj Italiji - istakao je naš sagovornik.



Basiner: Za Balkan najvažnija 173. zračna brigada

Basiner je rekao da još nema preciznih informacija, ali da su ovo pitanja „od najveće važnosti ovdje“. **G. MRKIĆ**